

REGLUR

um úreldingu sauðfjárlátruhúsa á árunum 2003 og 2004.

1. gr.

Markmið, ráðstöfunarfé o.fl.

Ríkissjóður greiðir bætur fyrir úreldingu sauðfjárlátruhúsa á árunum 2003 og 2004 í þeim tilgangi að auka hagræðingu í rekstri slátruhúsa og lækka sláturkostnað.

Heimilt er að verja allt að 170 milljónum króna samtals á árunum 2003 og 2004 til greiðslu bóta fyrir úreldingu sauðfjárlátruhúsa samkvæmt 1. mgr.

2. gr.

Fjárhæðir úreldingarbóta.

Bætur fyrir úreldingu einstakra sauðfjárlátruhúsa geta að hámarki numið 65 kr. á hvert kg kindakjöts sem féll til við slátrun að meðaltali á ári í slátruhúsunum árin 2000-2002, þ.m.t. vegna heimtekins kindakjöts.

3. gr.

Réthafar úreldingarbóta.

Réthafar úreldingarbóta geta verið allir eigendur sauðfjárlátruhúsa sem hlotið hafa lög-gildingu landbúnaðarráðherra og hafa verið nýtt til sauðfjárlátrunar árin 2000-2002, sbr. þó 2. mgr.

Réttur til úreldingarbóta samkvæmt 1. mgr. stofnast ekki nema greitt hafi verið útflutningsgjald samkvæmt 29. gr. laga nr. 99/1993 um framleiðslu, verðlagningu og sölu á búvörum með síðari breytingum af þeirri sauðfjárlátrun sem fram hefur farið í slátruhúsunum. Einnig er það skilyrði fyrir að réttur til úreldingarbóta stofnist að greiddar hafi verið allar skuldir við innleggjendur sauðfjárafurða vegna slátrunar í slátruhúsunum.

Eigendur sauðfjárlátruhúsa geta þrátt fyrir ákvæði 2. mgr. óskað eftir úreldingu slátruhúsanna með því skilyrði að framkvæmdanefnd búvorusamninga ráðstafi úreldingarbótum eða hluta þeirra eftir því sem við á til að greiða upp þær skuldir sem tilgreindar eru í 2. mgr. í samræmi við ákvæði 10. gr.

4. gr.

Fasteignir sem úrelding nær til.

Úrelding nær til allra fasteigna sauðfjárlátruhúss sem nýttar hafa verið til sauðfjárlátrunar á árunum 2000-2002. Um réttaráhrif úreldingar vísast til 11. gr.

5. gr.

Auglýsingar og umsóknir.

Framkvæmdanefnd búvorusamninga skal auglýsa eftir umsóknum um úreldingu sauðfjárlátruhúsa eigi síðar en 5. september 2003. Umsóknarfrestir skulu vera sem hér segir:

- A. til 25. september 2003 ef úrelding tekur gildi 1. september 2003.
- B. til 31. desember 2003 ef úrelding tekur gildi 1. janúar 2004.
- C. til 31. desember 2003 ef úrelding tekur gildi 1. desember 2004.

Umsóknir skulu sendar framkvæmdanefnd búvorusamninga sem annast gerð samninga um úreldingu.

Í umsókn um úreldingu skulu koma fram upplýsingar um nafn, kennitölu, heimilisfang, símanúmer og netfang eiganda sláthrhúss, fastanúmer fasteigna sem óskað er eftir að úrellda og matshlutanúmer ef við á, upplýsingar um ógreitt útflutningsgjald og afurðaverð, upplýsingar um kvaðir og önnur eignarhöft, svo og upplýsingar um bankareikning sem leggja má greiðslu bóta inn á. Einnig skal fylgja samþykki sameigenda ef þeir eru fyrir hendi, samþykki veðhafa, samþykki aðila sem njóta réttar í fasteignum sláthrhúss á grundvelli samninga, kvaða eða annarra eignarhafta, staðfesting Bændasamtaka Íslands eða löggilts endurskoðanda á magni kindakjöts sem fell til í sláthrhúsi á árunum 2000-2002 eftir því sem við á, staðfesting löggilts endurskoðanda á fjárhæðum skulda vegna ógreidds útflutningsgjalds og afurðaverðs svo og veðbókarvottorð sem ekki er eldra en viku gamalt þegar umsókn berst. Umsókn um úreldingu skal vera undirrituð af formanni stjórnar eða framkvæmdastjóra þegar um er að ræða lögaðila en eiganda sláthrhúss ef hann er einstaklingur.

6. gr.

Forgangsröðun umsókna.

Móttöku umsókna skal staðfesta með dagstimpli. Berist umsóknir um úreldingu umfram þá fjármuni sem ætlaðir eru til ráðstöfunar skal forgangraða umsóknum í þrjá flokka sem miðast við hvenær úrelding tekur gildi. Umsóknir um úreldingu sem tekur gildi 1. september 2003 skulu njóta forgangs á undan öllum öðrum umsóknum, næst á eftir koma umsóknir um úreldingu sem tekur gildi 1. janúar 2004 og síðast umsóknir um úreldingu sem tekur gildi 1. desember 2004. Innan hvers flokks skal skerðing vera hlutfallsleg miðað við fjárhæð úreldingarbóta.

7. gr.

Samningar um úreldingu.

Þegar tilskilin gögn liggja fyrir og umsókn um úreldingu hefur verið samþykkt gerir framkvæmdanefnd búvorusamninga samninga um úreldingu sláthrusa við umsækjendur. Í samningi skal greina nafn, kennitölu, heimilisfang og fasteignir sem úrelding nær til ásamt fastanúmeri og matshlutanúmeri ef við á, fjárhæð og útreikning úreldingarbóta svo og bankareikning sem leggja má úreldingarbætur inn á. Einnig skal koma fram í samningi yfirlysing um að eigandi sauðfjárlátrunar fasteignir sem úrelding nær til og að um sé að ræða ótímabundna kvöð. Samningur um úreldingu skal vera undirritaður af stjórn eiganda sláthrhúss eða af öðrum aðila sem stjórn hefur veitt umboð til þess ef um lögaðila er að ræða en af eiganda sláthrhúss ef hann er einstaklingur. Þá skal samningur um úreldingu sláthrusa gerður með fyrirvara um samþykki landbúnaðarráðherra sem áritar samninginn. Samningurinn skal gerður í fjórum eintökum og skal eitt afhent sýslumanní til þinglýsingar en eigandi sláthrhúss, framkvæmdanefnd búvorusamninga og landbúnadarráðuneytið fá eitt eintak hver.

8. gr.

Pinglýsing.

Þinglýsa skal samningum um úreldingu sláthrusa sem ótímabundinni kvöð á þær fasteignir sem úrelding nær til. Kostnað af þinglýsingum greiða eigendur sauðfjárlátrunar. Óheimilt er að aflýsa samningum um úreldingu.

9. gr.

Greiðslur úreldingarþóta.

Framkvæmdaneftir búvörusamninga annast greiðslur úreldingarþóta þegar samningum um úreldingu hefur verið þinglýst, sbr. 8. gr. Ef úrelding tekur gildi 1. september 2003 skulu úreldingarþóta greiddar eigi síðar en 31. desember 2003. Ef úrelding tekur gildi 1. janúar 2004 skulu úreldingarþóta greiddar eigi síðar en 31. mars 2004. Ef úrelding tekur gildi 1. desember 2004 skulu úreldingarþóta greiddar eigi síðar en 31. desember 2004.

Óheimilt er að greiða eigendum sauðfjárláturhúsa úreldingarþóta samkvæmt 1. mgr. fyrr en skuldir samkvæmt 10. gr. hafa verið greiddar.

10. gr.

Uppgjör skulda.

Ef eigendur sauðfjárláturhúsa óska eftir úreldingu þrátt fyrir að ekki hafi verið greidd að fullu útflutningsgjöld samkvæmt 29. gr. laga nr. 99/1993 um framleiðslu, verðlagningu og sölu á búvörum með síðari breytingum af sauðfjárlátrun sem fram hefur farið í sláturhúsunum, sbr. 3. mgr. 3. gr. skal framkvæmdaneftir búvörusamninga fyrst ráðstafa úreldingarþótaum eða hluta þeirra til að greiða slíkar skuldir áður en eftirstöðvar úreldingarþóta eru greiddar eigendum sláturhúsa, sbr. 3. mgr.

Ef eigendur sláturhúsa óska eftir úreldingu þrátt fyrir að ekki hafi verið greitt að fullu afurðaverð til bænda vegna sauðfjárlátrunar sem fram hefur farið í sláturhúsunum, sbr. 3. mgr. 3. gr. skal framkvæmdaneftir búvörusamninga ráðstafa úreldingarþótaum eða hluta þeirra til að greiða slíkar skuldir þegar útflutningsgjöld samkvæmt 1. mgr. hafa verið greidd áður en eftirstöðvar úreldingarþóta eru greiddar eigendum sláturhúsa, sbr. 3. mgr. Ef úreldingarþóta vegna einstakra sauðfjárláturhúsa nema lægri fjárhæð en heildarskuldir eigenda þeirra sauðfjárláturhúsa samkvæmt þessari grein skal úreldingarþóta ráðstafað til greiðslu upp í allar skuldirnar í sama hlutfalli.

Þegar skuldir samkvæmt 1.-2. mgr. hafa verið greiddar greiðir framkvæmdaneftir búvörusamninga eftirstöðvar úreldingarþóta ef einhverjar eru til eigenda sauðfjárláturhúsa.

11. gr.

Réttaráhrif úreldingar.

Fasteignir sauðfjárláturhúsa sem úrelding nær til er óheimilt að nota til sauðfjárlátrunar eftir að úrelding hefur farið fram og gildir þessi kvöð í ótakmarkaðan tíma. Ekki eru aðrar takmarkanir á notkun fasteignanna.

12. gr.

Gildistaka.

Reglur þessar öðlast þegar gildi. Reglur þessar eru endurútgefnar vegna mistaka sem urðu við birtingu reglna nr. 649/2003 um sama efni sem falla úr gildi frá sama tíma.

Landbúnaðarráðuneytinu, 3. september 2003.

F. h. r.

Ólafur Friðriksson.

Sigríður Norðmann.